

ففتھ جزیشن وارء بلوچستان

آفتاب بلوچ

بلوچستان چہ بندات ء جنگانی آماج بوتگ ء تیننگہ جنگ ء آماج انت۔ بلوچاں وتی زمین ء رکینگ ء گوں منگولوں، پرتگیزوں، ء گوں انگریزوں جنگ کرتگ۔ آہاں دژمن چہ وتی زمین ء پتہ تاچینگ ء لاچار کرتگ انت ء وتی زمین رکینگ۔ ہستیں وھدء بلوچ گوں یک غیر اخلاقی دژمن ء دیمپان انت ء وتی زمین ء رکینگ ء سیاسی گمگیری ء سلاہندیں گمگیری کنگ ء انت ء ایش گوں در ابرمی استان بزائنگہ پاکستان ء ہلاپ ء پنچھی آشوب انت کہ بر جاہ متگ۔ بلوچ سرڈگار ء بازیں جنگ ء تجربگ کرتگ، اے بلوچ ء پاکستان ء گوں اولی جنگ نہ انت بلکیں بلوچ سرجم ء جنگی تجربتانی نام انت۔ اول جزیشن ء بگرداں ففتھ جزیشن ء اے جنگانی وھدء بلوچ است بوتگ انت۔ اے پنچیں جنگاں بلوچ لہتیں جنگ ء دیمپان بوتگ ء تیننگہ انگت دیمپان انت۔

ہستیں وھدء ہمک ملاں ففتھ جزیشن وار جنزگ ء انت ء بازیں راج ففتھ جزیشن وار فئیر ء تہ ء گوزگ ء انت۔ ففتھ جزیشن وار کجام جنگ ء گوش انت ء یک راجے ء سرء آئی ء تاوان جی انت؟ فرسٹ جزیشن وار ء زمانگ 1648 ء treaty of Westphalia ء پد بندات بیت۔ اے منگ نامگ ء بنھشت ء یورپ ء دینی جنگ ہلاس کنگ بنت۔ اے جنگ 1618 داں 1648 کساس 30 سال ء داں کیتھولک ء پروٹسٹنٹ فرکہانی میان ء جنزیت۔ اے دینی جنگانی سبب ء 60 لاکھ ء گیش مردم کشتگ بیت۔ اے منگ نامگ (معاہدہ) ء پد جنگ کنگ ء واک چرچ ء چہ پلگ بیت ء استان ء بادشاہ ء دیگ بنت۔ فرسٹ جزیشن وار ء زمانگ 1648 داں 1860 ء روت انت۔

جزیشن آف ماڈرن وار فئیر ء تھیوری امریکہ ء زانکاراں دیم ء آورنگ، آہانی تہ ء ولیم ایس لینڈر ء نام اولسر ء کیت انت۔ آ امریکہ ء راستیں دست (right hand) ء منوگرے بوتگ۔ اے مرد ء تیننگہ ہج جنگ ء بہر نہ زرتگ، ایشی ء ابید آ امریکہ ء پھازکاری ء بابت ء بازیں نکانے نبشتہ کنت۔ ولیم ایس لینڈر ہمازا نکار انت کہ آئی ء جنگ بازیں دیستگ ات انت ء جنگانی چار ء بچار کنگ ء پد آئی ء جنگ جتائیں جزیشناں بہرکت۔

جنگانی تہ ء دوئیں نیمگ ء مردماں وھدے کہ دیم پتہ دیم بوتگ انت گڑا آھاں زھم ء اسپراں گوں جنگ کرتگ۔ اے جنگ ء رافر سٹ جزیشن وار ء نام دیگ بوتگ۔ فرسٹ جزیشن وار گیشتر گس جنگی ء گوں بندوک انت۔ وھدے کہ دور دیم ء شت گڑا جتائیں نکاں وتی جنگانی تہ ء بدلی آورت۔ وھدے کہ تپنگ ء توپ جوڑ کنگ بوت انت گڑا مردماں جنگانی تہ ء تپنگ ء توپ کار مرزکت۔ اے جنگ ء سکینڈ جزیشن وار گٹنگ بیت۔ سکینڈ وار ء یک درورے اولی جہانی جنگ (18-1914) انت۔ سکینڈ جزیشن وار فرانسی پونج ء

دیم آورتگ۔ ہک ٹکاں وھدء جاور چارات انت ء آھاناں جنگی پڑء نوک نوکیں جنگی سامان جوڑ کنگ بناکت۔ ہک ملکہ ء لوٹ ہمیش آت کہ آبا ج بہ بارت گڑ آھاں ٹیکنالوجی ء نیمگ ء گیش زوردات۔

جنگانی تہ ء بالیگرا ب، جنگی گراب میڑء پڑء کارمرز کنگ ء رواجے دیم آیان بوت۔ ہمیشانی وسیلہ ء میزائل کارمرز کنگ بوت ء میزائلانی وسیلہ ء دوراں داں دژ من نشانگ کنگ بوت۔ اے جنگ ء تھر ڈجزیشن وار فیسر گوش آنت۔ تھر ڈجزیشن وار ء دور دوری جہانی جنگ (1939-1945) ء کوریا ء جنگ (1950-1953) انت۔ تھر ڈجزیشن وار تھنا ٹکانی پوج ء میان ء بوتگ۔ جنگانی تہ ء مردماں بازیں کمی مارا تگ ء مردماں یا کہ ٹکاں جنگانی تہ ء دگہ بدلی آورت۔ جنگ ء ہاتر ء ملکہ ء پوج ء گوں نان اسٹیٹ ایکثرانی (Non state actors) کردار بازار زشت دار آنت۔ دگی مردمانی یا کہ دگی جنگی ٹولیانی، ناشر کارانی۔ ڈیتھ اسکوڈ ء کردار اوں سک ارزشت داریت۔ نان اسٹیٹ ایکثران چہ ابید سفارت کاری، معیشت، پروپیگنڈا ہم ہوار بوتگ آنت۔ اے جنگ ء فور تھ جزیشن وار ٹنگ بیت۔ فور تھ جزیشن وار ء دور سرد جنگ انت کہ سوویت یونین ء بازیں ٹکاں وتی پوج دیم نہ دا تگ بلکیں گوں ہمالک ء ہمالک ء دگی مردم کارمرز کر تگ آنت ء جنگ اش کر تگ۔ دومی نیمگ ء امریکہ ء اوگاستان ء مجاہدین سپورٹ کت انت ء سوویت یونین ء ہلاپ ء مجاہدین جنگ پر مات آنت۔ اوگانتان، عراق ء شام ء انوگیں جنگ فور تھ جزیشن وار ء دوراں زورگ بنت۔

ففتھ جزیشن وار ڈیوڈ ایکس ء 2009 ء امریکی میگزین وارڈ ء تہ ء وتی یک نبشنانکے ء دیم ء آورتگ۔ ففتھ جزیشن وار ء تہ ء سرجمیں راج ہوار بنت۔ اے جنگ ء دژ من دیم ء نیت ء جنگ نہ کنت۔ ففتھ جزیشن وار ء تہ ء دژ من وتی سافٹ پاور ء کارمرز کنت۔ ففتھ جزیشن وار ء جنگی سلاہ بالیگرا ب، ٹینک، ء میزائل نہ آنت بلکیں سفارت کاری، پروکسی، ٹی وی، ریڈیو، روتا ک، رسانکدر، تامر، ء معیشت ء وسیلہ ء کنگ بیت۔ ففتھ جزیشن گوں مردمانی زور ء تاکت ء گوں کنگ نہ بیت بلکیں گوں مردمانی سنج ء سماء جنگ انت بزانکہ ففتھ جزیشن ء تو ٹیکنالوجی ء پتہ وتی جیڑہ ء دیم ء برے یا کہ دژ من ء نفسیاتی نادراہ کن ء گڑادو ہمینیچو جنگ تی ہک ء بیت۔

ففتھ جزیشن وار ء جتائیں مردم جتائیں نام دینت، لہتیں مردم گوش آنت کہ اے hybrid war انت۔ چیا کہ اے جنگ ء باز تک ء پھنات آنت ہمیشہ لہتیں گوش آنت کہ اے regular war انت ء بازیں گیش ایت کہ اے gray war zone انت نوں کس نہ زانت جنگ کجا، چوں بندات بوتگ ء جنگ ء آماچ کئے انت ء کئے جنگ ء انت؟ دگہ لہتیں گوش آنت کہ اے irregular war انت کہ کجام وھدء اوں اے جنگ ء تہ ء ہر وڑیں پنڈل کارمرز بوت کنت۔

بلوچ سرڈگار ۽ ھور تجاری ۽ گوں اگاں ما بچار ایں گڑا مارا بازیں چیز گندگ ۽ کائنت کہ آگوں ففتھ جزیشن وار فیسر ۽ بندوک آنت۔ انچو شکہ ففتھ جزیشن وار یک لیکھی جنگے گنگ بیت۔ آئی ۽ اندر ۽ سلاہ کہ کار مرز بنت گڑا آرسانکدر، معیشت، پر و پیگنڈا، ٹی وی، ریڈیو، سفارت کاری ۽ ابیدرگہ بازیں چیز آست آنت۔

بلوچ ۽ ربرز ۽ دا تگلیں سلاہ کہ اے جنگ ۽ اندر ۽ کار مرز بوگ ۽ آنت گڑا یک مزینیں ہدے ۽ بلوچ ۽ اتاوان دا تگ اش۔ ھک روج بلوچ گار ۽ بیگواہ بوگ ۽ آنت ۽ آھانی ژا نگولیں لاش ماں گیا بان ۽ ویرانگ ۽ چگل دیگ بنت، اے درگت ۽ در سانکدر بلیک آوٹ آنت۔ تنی وھدی ھزارانی ھساب ۽ بلوچ نودر بر، سیاسی ۽ راجمانی بساک، چک ۽ زالبول چوشکہ زرینہ مری گوں شیر مچیں چکے ۽ آوار جنگ یا کہ پیر ۽ کماش سالانی سال انگت بیگواہ آنت۔ بلے ر سانکدر یا ھماو گلی مردم کہ استان ۽ پوہ وتی کار مرز کنگ ۽ زرتگ آنت، اکائنت ۽ گوش آنت کہ بلوچ مسنگ نہ آنت بلکلیں بلوچ دینی، او گانستان ۽ ایران ۽ شنگ آنت۔ دینی ۽ ہمیشکہ شنگ آنت کہ اود ۽ بلوچ ۽ جنگ ۽ مالی مک کن آنت، او گانستان ۽ ایران ۽ ہمیشکہ شنگ آنت کہ اود ۽ جنگی ھیاکاری ۽ در بر آنت۔ نون مارا سرپد بوگی آنت کہ ھمے ففتھ جزیشن ۽ یک سلاہ کہ مئے سر ۽ کار مرز کنگ بوگ ۽ آنت گڑا آرسانکدر ۽ اندر ۽ پاکستانی کارند گانی بیانیہ تالان کنوک آنت، پاکستان ۽ سرجمیں اھواکار آنت، روتا کانی شو نکار آنت کہ اے بیانیہ ۽ ھک پڑ ۽ دنیہ ۽ ھک پلٹ فارم ۽ شنگ ۽ تالان کنگ ۽ آنت۔

بلوچ ۽ ھک پنگ ۽ بگرداں پیر ۽ ورنھاں در بیا گڑا در ست نفسیاتی ھساب ۽ نادر اہی آنت یا کہ ھما مھلوک کہ ڈن ۽ پیر ۽ جنگ ۽ ھک ۽ بوگ وھدے کہ ریاستی ر دیں بیانیہ ۽ گند آنت گڑا دلپروشی ۽ آماج بو ان آنت۔ ایشی ۽ مستریں جیہ ۽ ہمیش آنت کہ مانگہ سرپد نہ ایں کہ ما ففتھ جزیشن وار فیسر ۽ میان ۽ جنزگ ۽ ایں۔ اے جنگ لس مھلوک ۽ سنج ۽ سماء گوں جنگ کنگ بیت۔ ھمے سبب ۽ بلوچستان ۽ بازیں ھند ۽ د مگاں کسانسالیں چک داں پیر ۽ کماشاں و نکشی ۽ در چ بر جاہ متنگ۔

ر سانکدر ۽ وسیلہ ۽ ھک بلوچ زالبول یا کہ بچک بلیک میل کنگ بوگ ۽ آنت ۽ ھمے مردماں اے جیہ ۽ تو جیل و نکشی پیم اتگ، چوشکہ گیشکور ۽ انجمہ ۽ کیس آنت ۽ کچ چا کر یادگہ بازیں مردماں کہ انگت رپورٹ نہ بوگ آنت۔ دومی نیمگ ۽ گشندہ ٹولی ۽ بلوچ ۽ را بازیں تاوان دا تگ ۽ انگت داں دیگ آنت۔ گشندہ ٹولی ھما ھندی مردم آنت کہ پھ لب ۽ لالچ کار کنگ ۽ آنت ۽ استان ۽ کاراں ارزان کنگ ۽ آنت۔ گشندہ ٹولی ۽ سبب ۽ بلوچ ۽ دست ۽ کشت ۽ کوش ۽ پالیسی ۽ سر ۽ ریاستی ادارہ ۽ کار بند آنت۔ بلوچ سرڈگار چہ ابرمی وسائلاں پڑ آنت ۽ کلیمیں وسائلاں چہ ابید بلوچ ۽ دو وھد ۽ نان ۽ شوہاز اول ازابے۔ سیمسری کار و بار بہ بیت ۽ یا کہ دریاوردی ہر کجام ریاست ۽ لٹ ۽ کٹلانی دیمپان آنت۔ وھدے کہ کچ رسوائی ڈیزل ۽ تیل چہ سیمسراں کارایت بلے پدا ھمے استان ۽ ادارہ آھاں چہ زر گرگ آنت یا کہ کاروباری مھلوک ۽ جنگ ۽ شنگ ۽ اوں چک ۽ پد نہ بنت۔ دومی دیم ۽ ھمے ڈیزل ۽ تیل جیکب آباد ۽ پاکستان ۽ ایدگہ شہراں روانت ۽ گڑا اود ۽ آئی ۽ وتی کاروباری مھلوک ھچ وڑیں جنجال ۽ آماج نہ بیت۔ سیمسر ۽ چوشیں بازیں بلوچ بوگ آنت کہ لوگ ۽ سلامت ۽

شنگ آنت بے واتریء آھانی جون لوگ ء سر بوگ آنت؛ پہ درور مندء چہ شعیب بلوچ، کچھ ء چہ فضل بلوچ ء کیس مئے دیمء آنت۔ ادء
پدا دگی مردم زرتگ ء ٹوکن آھانی دست ء داتگ آنت کہ پدا بلوچ وت ماں وت ء جیڑھانی آماج بہ بنت، ایٹی ء پاندگ پدا استان ء رسگ ء
انت پرچا کہ اے وت ماں وتی جنگ ء چوپ ء بلوچ ء چکچینی بوگ ء انت۔

اے درست ففتھ جنزیشن وارء سلاہ آنت کہ بلوچ ء سرء کار مرز کنگ بوگ ء انت۔ بازیں بلوچ نودر برس ففتھ جنزیشن وار
ء سر پد نہ آنت، ہے سبب انت کہ آزانگ ء نہ آنت کہ جیڑھ ء جنر جی انت ء ایٹی ء تو جیل چون کنگ بہ بیت؟ اے جیڑھ ء کا ونٹر کنگ ء
نودر بر گل (تنظیم) ء سیاسی پارٹی وتی زمہ واری ء پیلو بہ کن آنت ء ہمک لس بلوچ ء اے جیڑھ ء سرء سر پدی بہ دینت۔ وھدے کہ استان
رسانکدر ء پر وپیگنڈا ء وسیلہ جوڑ کنت ء جھد ء پر وش دیگ ء ہاتر ء وتی شپ ء روچاں دنت گٹہ اے بابت ء ماکل بلوچ رسانکدر ء وسیلہ ء
استان ء پر وپیگنڈا ہاں پہ کا ونٹر پالیسی جوڑ بہ کنیں ء آئی ء راشکست ء دیمپان بہ کنیں۔ ہمک نودر برس سوشل میڈیا ء بنگی کاراں سر پد بہ بنت
دانکہ استان آئی ء آئی کیڈی (eye-candy) ء جال ء اندر ء گیت کت مہ کنت۔